

石泉書屋詩鈔

泉書屋詩鈔卷三

利津李佐賢竹期

出瓜州江口

瓜步揚帆去中流自在吟沙痕平水而塔影落江心遊似乘槎
壯情猶戀闕深從今來宦海不必問升沈

虎邱竹枝詞

響屨廊前日易斜當年粉黛憶繁華吳宮花事今銷歇
有山塘喚賣花

見說吳儂不解愁生公臺畔自遨遊縱然說法知誰聽不及石

頑猶點頭

春宵歌舞不知寒，過客停撓倚畫欄。樓映燈光船映水，空明都
當鏡中看。

燈船來往望難真，一片笙歌入耳頻。酒地花天盡醉不知誰，
是獨醒人。

登嚴子陵釣臺

千里江山一釣竿，高臺終古擁巔巔。經過熟客知多少，都被先
生冷眼看。

山光水色共澄清，懷古停撓無限情。拌使一官終潦倒，登臺也

要拜先生

俗傳之官者忌登臺否則不遷官

過仙霞嶺

峻嶺摩霄漢，凌虛鳥道攀。
雲霞疑上界，閭越此雄關。
叱馭今朝去，遂初何日還。
回頭京國遠，遙望列仙班。

汀署梅園有三友書屋而乏松竹余爲補植詩以紀事

園有梅十七株

園有十七樹梅花山館

千枝萬枝姿態殊，暗香疎影難描。

摹巡檐索笑足，慰余愧余難。
同處士，適無鶴，誰伴此清癯。
縱有凡卉，難爲徒顏。題三友舊時廬，問名卻笑實未符。
蒼官青士費招呼，主人爲爾三踟躕。
呼僮試荷畚與鋤，移根接葉影扶疏。
竹

君子松大夫與結芳鄰德不孤梅若有知應歡娛晨夕似與良
朋俱主人亦樂樂何如不待淋漓筆墨濡傳神權當歲寒圖

食荔支

水晶盤裏薦瑣珠尤物偏教降海隅。味羞將瑤柱比仙姿誰
道玉環殊。狂吞飽飫三生幸色豔香濃百果無我效坡公貪口
福南來亦道是良圖

登烏石山

烏石峯高處盤空一徑穿晴雲都泛海曉日欲捫天覽眺林亭
古留題姓字鐫磨崖遺蹟在知有幾人傳

題彭詠我同年蘊章樞垣趨直圖

殿瓦凝霜階浸月天上疏星半明滅樞院深沈魚鑰開侍臣五
夜趨金闕畫圖開卷索題詩春明舊夢堪回思藥榜名忝附驥
尾紅綾宴罷看花時掌握

絲綸十二年輪君先著祖生鞭黃扉接武星辰近

丹詔恩多雨露偏待漏披衣天未曉鳴珂聲靜趨直早夙夜誰
知匪懈心傳神繪出丹青好軒今過仙霞路珊瑚都化桃李
樹歡然道故又逢君舊時眞面留紈素老眼摩挲子細看還將
心事語同官手攜玉尺來閩海宵夢猶牽玉宇寒我聞此語憶

晴窗展觸西清鈴索響待從

香案幾經年

金華殿上勞追想汀水南流雁北飛何時重許

鑾坡上

工麗如讀沈宋應制諸詩

駿注

題李少蓮貳尹滄海從軍圖

請纓年少侔終童戰艦遙指滄溟東磨盾意氣雄且傑萬里破浪乘長風天吳倒翻海水立片帆不落輕於葉四座神驚壯志灰舟子無言餘戰慄君履險艱如坦夷獨坐長吟仍抱膝長空砉然忽聞聲隱隱雙挂明燈明蛟龍避舍鯨波平始知忠信仗

平生歸來一曲譜瑤琴移情猶傳海上音遊蹤更倩丹青寫天
空海闊同胸襟還君玉照爲君歌征袍爭及釣魚簑君不見西
塞山前張志和浮家泛宅託煙波縱然春漲桃花水清淺只在
蘆汀裏不信人間風浪起

題李少蓮自鋤軒吟稿

揮毫珠玉落吟箋風致翩翩况少年雅度清才誰得似芳名應
令繼青蓮

奪得文通筆一枝驚才絕艷賦新詩移情更是吟成後回憶攜
琴海上時

自題品泉圖

嗜痴各有癖我癖屬古泉制作商周季篆隸秦漢前古香兼古
色青綠雜爛斑鼎彝同典重碑版難比肩俯仰數千載與結文
字緣此外何所好寄興林泉間欲魚欲熊掌所得難兼全卻將
雙管寫併作一圖懸何年解組綬徜徉雲水邊釣游多暇日考
訂金石編此中有真樂何事慕神仙

內子張晚芳生日

筵開設悅慶團圓廿載瑟琴隨遇安學畫商量爭試墨看花笑
語共憑闌梁鴻案許齊眉舉雛鳳聲添繞膝歡他日歸來應踐

約煙波同把釣魚竿

吮芳時爲余吟早買
漁簑未老歸之句

汀署梅園八詠

梅林

探梅到芳園，渾忘在官府。贏得好頭銜，我是梅花主。

桃塢

種桃傍小鵑，穠豔自成行。不是武陵路，未必誤漁郎。

竹徑

曲徑愛通幽，餘地盡栽竹。坡仙曾有言，可以食無肉。

蓮池

荷沼微風度坐久嫩涼生此心塵不染應許此花清

中亭

中亭空依傍古木繞扶疏芭蕉間修竹護此綠天居

宿花亭

茅亭何所有月影篩花影夜深花睡去問誰能喚醒

習射廳

林下聽鳴鏑公餘習射儀梅花亂開處楊葉乍穿時

三友書屋

竹木交加處戶牖敞虛明綠陰春悄悄時聽讀書聲

汀郡試院雙古柏歌

古柏在郡城考院有樹神廟籤語靈應汀人曰順治初
年唐王兵敗退守汀城城尋破有從臣二人同殉節於
樹下此廟蓋忠魂所憑依也因憶紀文達五種筆記載
郡試時見兩神人緋袍立樹上特懸一聯於廟云參天
黛色常如此點首朱衣合是君蓋未聞雙忠事故云爾
今作歌正之而仍惜雙忠之名姓不傳也

古柏未識何年種團團雙蓋垂雲重亭亭老幹薄青霄虬枝應
許棲鸞鳳風霜飽歷質堅貞棟梁材大誰能用托根試院傍文

星廟貌尊嚴香火供初疑巫祝惑人聽靈籤底事多奇中汀人
道此非偶然軼事會稽順治年唐王退守彈丸破雙忠並縊雙
柏前雙柏雙忠同不朽卻憐名姓今無傳南疆紀略留青史婺
源道上石齋苑賴垓熊緯胡上琛從王殉節堪僂指而今靈爽
得憑依忠魂是否三君子二百年後感滄桑蒼茫弔古情何已
河間詩客來此都神光隱現拖霞裾採風車過弗深考朱衣搗
測母乃誣吁嗟乎人千古樹兩株我來樹下三踟躕如此勁節
封爵無終勝秦松呼大夫

筆力挺勁 駁注

散衙有作

龍山秀峙鄞江澄，坐對官齋感不勝。
時雨流甘欣有歲，蠻風難化愧無能。
案清書吏閒於鶴，衙散清懷嬾似僧。
自問差堪自慰處，頭銜未負一條冰。

題程秋霞羅浮曉夢圖

閱盡繁華別有春，梅花叢裏著吟身。
空山寂寞誰堪伴，應有門前立雪人。

塵世何勞眼獨醒，同將大夢了浮生。
誰知一樣瞢騰候，修到梅花夢亦清。

行蹤我亦到羅浮，鴻爪依稀雪印留。
回首廿年成舊夢，披圖權

當賦重遊

舟中晚眺

模糊頓失亂峯青
雲氣嵐陰入澗冥
貼水蓬窗眺驟雨
沿溪燈火聚繁星
間閭豐稔田多稼
鼓吹喧闐廟有靈
願把閩中康樂景
幽風圖繪貢

天廷

遊小玉華洞

豐歲同民樂
時和政亦閒
偶從金沙郡
來看玉華山
巖壑疑飛動
煙霞共往還
摩崖尋古字
幾處剔苔斑

過延平昭胡懷汪同年應泰話舊

劍水乘舟去相逢有故人離際三載慰交誼十年親舊雨情懷
戀輕霜鬢髮新依然無建樹轉悔落風塵

接踵來仙嶺分符我與君同舟期共濟列郡悵離羣對課詩千
首當筵酒半醺蓬山成舊夢回望隔燕雲

舟中曉望

驚起蓬窗夢萬聲響亂難雲垂榕樹碧山映荔支丹不減乘槎
興詎知行路難詩懷添壯潤望入海門寬

山行遣興

不身書言金
嶺樹川雲來去諸肩輿送我入煙嵐路盤曲磴如穿蟻人到深
叢似裏蠶泉石膏肓原是癖風塵面目詎無慚何時重蠟遊山
屐更向武夷幽處探

一派清音勝管絃沿溪鎮日聽流泉亂山膝膝互爭長野卉
那相關妍宦况依稀中酒味吟懷澹沲早秋天輕裝頓覺歸來
重添載新詩又幾篇

題鄭藹人刺史西窗話雨圖並謝招飲

天涯有客感離羣回首西窗話夜分人盡伊誰曾聽雨裁詩應
合賦停雲論交恨晚殊慚我同氣相求定屬君雅意殷勤歌永

夕紅燈綠酒不辭醺

歸化道中

翠竹蒼松映遠岑
幾家茅屋住山深
此間定有新詩詠
秋色無邊何處尋

過山村卽目

兩兩三三自結羣
田家兒女布衣裙
雙旌到處歡迎迓
笑指肩輿看使君

水複山重路幾程
秋光爛漫雨新晴
梯田高下黃雲滿
喜聽村村穫稻聲

遊蒼玉洞

蒼翠浮東郭，招朋幾度尋。
樓高延月早，新建貯雲樓洞古貯雲深。

山探幽趣郊原樂，歲心訪碑兼問稼。
莫負此登臨。

鼓山訪碑記遊

閩水閩山疊萬千，鼓山一脈相亘連。
笑問山名義何取，對峙遙見靈旗翻。
左有疑是神威工布陣堂堂旗鼓相周旋何年星隕
南海角一拳，化作頑石頑取象，摹形工附會。
桐魚誰叩聲應傳。我嗜遊山如嗜味，但逢名勝口流涎。
清風引步出東郭，屐齒踏破青青田。
尋山山疑無路入，凌空百道飛來泉。
泉流斷處通幽

徑辟蘿石磴攀躋難十步五步一回顧靈蟻九曲珠能穿松風
謾謾涼生袂梵宮迴出層巒巔林杪直上湧泉寺見佛亦生歡
喜緣空中清磬冷然落巖花欲笑山寂然別院小憩逢僧話我
來乘興非參禪山僧向導尋幽去窈窕古洞別有天石骨玲瓏
兼瘦皺點綴亭榭生清妍峭峯絕壁多石壘朱人名氏工鏤鐫
晦翁西山蔡忠惠私心仰止尤名賢摩挲篆隸從頭讀風流想
像七百年峯回路轉開生面小亭獨傍危崖懸海天一覽渺無
際輕帆萬葉估客船仙境別開霞嶺外蜃樓彷彿島雲邊遊蹤
至此歎觀止森然萬象羅胸前夕陽仍逐羊牛下回首凝望空

雲煙如此名山不暫住笑我仍被微名牽

題信竹帆同年和來觀稼圖

彭澤賦歸田魏晉仰高風繪圖曰觀稼此意將毋同我亦田間
來尙憶畝南東春耕與秋穫但祝年屢豐樂場狎野老拾穗有
兒童知足復何慕俯仰樂融融緣何一念差誤墮名網中戊秋
識君時聯步入蟾宮再遇長安道十丈塵輭紅萍蹤遊宦海汀
水復相逢我今忝支郡君亦膺花封簿書消歲月駒隙太多匆
轉羨田家樂一飽萬慮空何日遂初服從君學老農披圖三歎
息言盡意何窮

書齋中蘭開並蒂近復有一蒂三花者戲題截句示晚芳
芳蘭並蒂證前因寫照同心倍有神底是幽香增一瓣料應添
箇抱衾人

九日登九龍山懷繼之兄

九日無風雨登臨興倍豪樓頭去天近山勢護人高絕頂盤孤
鶴危巒戴巨鼇故園黃酒會北望首頻搔

次韻神妙 瑞駿

舟行口占

最難消遣客中懷我遇行程興轉佳夜雨碧添新漲滿夕陽紅
被澄雲埋好山渾似披奇畫孤艇權如坐小齋閒醉冷吟時得

石身書屋詩金
句幾回收拾入詩牌

玉華洞

清風導入石門關，窈窕玲瓏路幾彎。
倒挂旌旗成隊伍，嵌空樓閣漫登攀。
我來洞裏，世傳洞爲赤松子采藥處，
年時可有鶴飛還。

途中憶梅園桃李盡放書寄內子

小別非關行路難，卻憐春色又闌珊。
天桃穠李園如錦，輸與芳卿獨倚闌。

劍河舟中

奔流亂石自成叢孤棹斜穿石罅中到眼飛花皆散雪富頭駭
浪不關風文瀾壯濶平還起世路崎嶇絕又通蓼岸蘆汀清淺
水扁舟何處羨漁翁

劍河阻風寄內

深閨燈火夜如秋兒女團圓話遠遊知否延津山下路連宵風
雨泊孤舟

青楓嶺道中

小住行旌日又曛山程一半水平分倪黃粉本窗前認琴筑泉
聲枕畔聞詩味濃於新釀酒意情嬾似欲歸雲惟慚五載臨汀

守未有涓埃答

聖君

野望

春色知深淺吟鞭賦遠遊人來三月暮花壓一村稠野水綠平岸夕陽紅上樓征帆天際落點點認浮鷗

下灘

山從水底出出水勢崢嶸舟從山巔下一葉浮漚輕銀河半空落倒瀉天瓢傾急溜穿罅裂激作不平鳴篙與石互闢流與石交爭九曲如湘轉一棹相支撐翻空浪花舞濺衣雪花明看山

馬過眼不知名長年噤無語履虎凜兢兢中流我自在遇
心不驚頗聞古人語忠信仗平生

劍河晚泊

峽束河流疾蒼茫赴海門孤舟穿箭駛亂石逐濤奔沙岸明於
鏡山城小似村渡頭爭晚泊人語聒黃昏

山行書所見

峭壁危峯劍水西灌林叢莽怪禽號荒程驛舍空餘瓦破廟神
軀半墜泥石磴縈紆皴似帶山田重疊界成梯分明一幅倪黃
畫留待詩人細品題

領聯荒涼如繪不減杜少陵斷橋無復
板之句 瑞駿

游滴水巖

山勢竊而深巖洞繚而曲側身類蟹行徑仄難受躅洞門翕其口洞中瞻其腹彷彿怪石供羅列此夏屋或展如靈旗或懸如大纛或矯如游龍或峙如立鵠方罨如棋枰團圞如車轂如擎承露盤如秉金蓮燭如舟泊連檣如厦撐一木如琴眠石牀如畫卷玉軸若云施雕鐫神工大煩瀆若云出天然肖物何太酷大小兩玉華左右相聯屬此巖介其間公然三鼎足彼此各逞奇形狀無重複造物若有知變化從心欲卽此悟文心超然自殊俗

筆足達難顯之情如讀柳柳州山水記

發注

題陳少香明府偕燦鷗汀漁隱圖

脫卻朝衫上釣航，黃川一曲水雲鄉。
前溪柳色春深淺，明月蘆花路短長。
宦海風波成夢幻，君時望議去官高人嘯詠託滄浪。
詩囊盡

卷頻抒寫，應笑名心未盡忘。

舊日鷗盟記得無，塵緣頓悔落雙鳬。
詩文慧眼空今古，簑笠閒身入畫圖。
蕭散如君真野鶴，情懷觸我憶鄉鱸。
歸來也擬辭官早，同泛煙波作釣徒。

二詩酒脫自喜不減坡公 駿注

題興宜泉明府廉停琴待月圖

挂冠彭澤歸來早三徑黃花霜露飽回首琴堂幾度秋夢醒春
婆人易老綠綺攜來向石牀涼雲滿地不可埽成連去後誰移
情海天悵望蓬壺島欲彈不彈思渺然徘徊月上東山皎紫雲
一曲奏廣寒應憐塵世知音少感慨係之 瑞駿 飄逸

重遊小玉華洞

一朶青蓮墮下方玲瓏窈窕閣丹房別開壺嶠雲霞麗小貯乾
坤歲月長對景誰摹新畫本摩崖重認舊詩章余舊有題句兩年三
度山前過應被山靈笑客忙

胡麻嶺看雲海

胡麻嶺俗名虎蟬嶺余爲更易今名因公赴連城過嶺
最高處時值新霽嶺下晴雲平鋪似水雲端露出遙峯

數十點濃青搖漾頓成奇觀詩以紀之

胡○麻○嶺○上○空○復○空○浩○浩○蕩○蕩○乘○天○風○聳○身○咫○尺○重○霄○近○一○輪○晴○
日○磨○青○銅○俯○看○大○地○形○容○改○不○知○井○邑○今○安○在○茫○茫○一○片○但○平○
鋪○信○有○桑○田○變○滄○海○虛○白○上○映○蔚○藍○天○天○容○雲○氣○相○澄○鮮○因○風○
搖○漾○波○瀾○濶○中○流○但○少○乘○槎○騫○羣○山○滅○頂○不○肯○讓○衝○波○亂○刺○干○
峯○尖○金○焦○江○口○浮○兩○點○蓬○壺○方○丈○只○三○山○何○如○一○氣○混○茫○裏○峯○
巒○無○數○海○無○邊○仙○霞○嶺○出○青○雲○上○茲○山○並○峙○何○多○讓○黃○山○雲○海○

人豔稱此間雲海無傳名天荒地僻人蹤少湮沒應作不平鳴
憑高搔首將天問題詩一洩山靈念山靈轉笑人何癡嵐光雲
影自娛嬉天空海濶兩相忘那計人間知不知

妙景賴妙筆
傳之瑞駿

清流道中

驛舍郵亭路幾程肩輿穩勝馬蹄輕雲痕鋪地眞成海嵐影隨
人欲進城澗水琤琮時夏韻巖花寂歷不知名清溪一曲峯千
疊詎羨山陰道上行

領聯妙語 駿

山行小憩忽聞異香於道旁見幽蘭一叢感賦

草莽叢中茁素蘭香生鼻觀勝梅檀往來過客誰青眼都當撿

曹一例看

語意含蓄劉賓客李庶子之遺

發注

山程早發

驛路千山裏登程夜已分
雞聲迷店月鶴夢冷巢雲
過雨涼先透流泉細轉聞
渾忘行役苦此境隔塵氛

領聯妙絕 駿

陸劍南小像爲王琴航明府題

短笠輕衫寫照工風流想像畫圖中
更期添寫梅花樹好伴詩人老放翁

務觀新詩子細哦清詞麗句法如何
與君同把心香祝未識誰分一樹多

自題畫扇

西塞山前老志和，扁舟一葉託煙波。
他年脫卻朝衫去，也擬從君荷釣蓑。

題曉芳畫蘭

碧紗窗下寫幽蘭，澹墨濃香總一般。
底事雨叢相倚傍，也如人意共團圓。

空谷幽香寫照難，憑將墨瀟灑冰紈。
笑他塵世繁華眼，只愛胭脂畫牡丹。

梅園靜坐

公牘無留滯梅園日往還蜂衙聽午報倍覺訟庭閒

朝斗岩下看梅

汀人藝梅爲藥花時千萬樹香雪成海無人過問余屏
騎獨賞慨然有作

山城散衙早事簡訟庭閒出城屏冠蓋直造意所便清流帶城
郭嵐影周遭環梅林花萬樹香雪霏山前到此慙幽興所憾無
管絃探芳偕蜂蝶欲去更流連吏民走相告太守毋乃頑太守
有深意欲語口難宣探梅記鄧尉訪梅憶孤山詩酒競游譙裙
屐時往還而此幽僻地栽梅當種田伊誰青眼看開落自年年

潛修類隱士伏處草茅間
窈窕如靜女淪落空自憐
名花待眞賞遇合良獨難
我昔步芸館聯袂玉堂仙
宦游霞嶺外非謫亦非遷
嗟爾同寂寞與爾相周旋
願然花下坐晤對兩忘言

題上杭溫泉

源頭活潑不知寒一樣溫泉豈兩般
不比華清曾賜浴游人便作等閒看

題友人小照

浮名底事慕封侯小結園亭任去留
座有名花香人妙窗臨修竹借來秋
三生占得閒中福一曲能消世上愁
半世風塵春夢

擾翻從書裏羨巢由

梅園卽事

亭後亭前初破蘂，山南山北又橫枝。
梅花應笑人疎嬾，開徧芳園未有詩。

夢回

街鼓沈沈玉漏遲，碧紗窗外月明時。
夢回忽見橫斜影，知是梅花第幾枝。

寄書銘東屏同年岳索畫

知君妙墨擅荆關，况自香鑪絕頂還。
寄與鸞溪三尺絹，乞將眞

面寫廬山

辭官後戲作

七年支郡問心難，傀儡登場一例看。
膾有熱腸誰識我，全無媚骨不宜官。
悔親案牘拋書卷，便挂簪纓理釣竿。
免得衙齋聽早鼓，從今高臥學袁安。

入贛州山水平遠頓異閩中喜而有作

章貢雙流眼界寬，蓬窗無復對巔巔。
嵐嵐浮影向村邊，盡野瀾天從樹底看。
舊夢猶驚灘點澹，前途頓喜路平安。
山城水郭皆圖畫，閒眺清吟勝擢官。

郭皆圖畫閒眺清吟勝擢官

重游西湖

晴曩過西湖簡書相迫促無詩記雅游去去何太速山靈如有
知母乃笑人俗今來脫塵網去官遂初服拜將物外身更與清
景逐春水漾晴波雙槳來往熟印月指潭三烟柳鎖橋六處士
緬遺蹤爲訪孤山麓放鶴幾時還古梅但繞屋聖因與淨慈禪
房深花木紅藥未翻階玉蘭正芬馥胭脂上海棠紅粧雨新沐
韶景共流連伊誰夜秉燭更逢金石僧謂六舟禪關媚幽獨
版投瓊瑤琳瑯展玉軸話舊當參禪形骸忘拘束回首忽夕陽
遙見雷峯禿歸來憶清游夢境猶轉轂凌晨出郭門試把前游

續肩輿入烟蘿行行曲徑曲靈隱古剎開松風聞謖謖小憩冷
泉亭危崖挂飛瀑幽澗咽泉聲清冷不可掬何處望韜光一徑
入修竹撥霧並穿雲照我鬚眉綠啟戶對之江潮來豁遠矚氣
象俯萬千山重更水複茲游似溫書不厭百回讀更如參妙繪
展卷幾往復猶憶虎跑泉昔年曾寄躅惟憾徧游難里安與天
竺何當裹餽糧入山恣信宿轉念此浮生底事求鑒欲譬如異
味嘗豈必期果腹鴻爪印雪泥留此亦已足
澗瀝流轉古味
盎然 度注
筆力健舉風格在張水部王仲初之間 駿注

渡揚子江

不盡長江水蒼茫萬古流金焦如對待天地共沈浮游子雙蓬
鬆孤帆一葉舟蓬窗高挂起目極海門秋

與工部望岱之作
相韻頌度

望海

東方兩大荷崇封一片滄溟儼岱宗日月雙丸同沐浴江河萬
派總包容空中海市蜃樓現望裏神山螺黛濃指點蓬萊清淺
水乘槎應許會僊蹤



石泉書屋詩鈔卷四

利津李佐賢竹明

自出守辭京不獲侍

朝者十載於茲矣丙辰春因男貽良恭應

殿試重至

宮門感賦

當年奏賦獻明光侍從叨陪鵷鷺行

聖訓珠璣

天語重

恩頒餅餌

御廚香鼎湖。瞻望成千古。汀水澄。洞限一方。此日。宮門重接武。難禁涕淚憶。

先皇

牽牽總闕之情。溢於言表

駁

孔繡山中翰憲。獎招飲韓齋。分韻得坐字

輕紅十丈塵。熱中人如火。何如文字交。名利釋羶鎖。韓齋主風雅。盛會東招我。薄煖小陽春。天空雲濤沓。勝友聚文星。賓主圍圍坐。差珍出家庖。餅餌間蔬蕨。蒸鴨膾錦鱗。朶頤腹兼果。當筵出詩冊。名繪羅繁夥。一會一冊留。位置何貼妥。分韻闢尖叉。迅

捷擬飛箭索畫更索詩任重何敢荷馳驟翰墨場願學我亦頗
擅長慚未能效顰笑不可蒿目歎時艱滄溟橫戰舸烽火間嶺
南○纓○搶○指○江○左○戰○亂○屬○何○人○愧○我○甘○疏○倚○檻○抱○杞○人○憂○憂○緒○蠶○
繭○裏○三○秋○駒○隙○過○孤○負○黃○花○朶○清○譙○幸○追○陪○暫○展○愁○眉○彈○歸○路○
過城闌西山夕陽墜

孔繡山中翰屬題方夫人學紡圖

紡績辛勤學璇閨課女紅詩吟唐魏什人笑綺羅叢絡緯秋聲
裏機絲午夜中願將崇儉意化俗返淳風

簡何子貞紹基朱伯韓琦兩同年

好詩與好官勢難兩兼之譬如魚熊掌取舍當自知妙語傳既
北去官攻詩詞官高詎不愛愛莫重於詩我今挂冠日正是高
吟時身閒無好句未免太詒癡我眉瓦屋草

子貞詩稿

眉山今在茲

來鶴山房稿

伯韓有來鶴山房稿

風格杜陵遺子貞與伯韓儒雅皆吾師

攻詩兼勗我臭味無差池我昔年弱冠制藝費研思三十步雲
館奏賦獻彤墀篇章循行墨韻語摘瑕疵况兼金石好旁及竹
與絲肄書並讀畫習射復彈棋泛鶩竟無成雖多亦奚爲四十
出典郡簿書日紛披退食偶嘯詠退計敵興推行年逾半百歲
月如奔馳學詩苦不早勵志已嫌遲白駒雖已逝猶冀來可追

蹉跎不努力空負師友資兩君主風雅壇坫相對持左右與周旋囊韉將屬誰樹幟謝不敏執鞭亦奚辭

贈程覺園明府

清○狂○應○歎○世○無○儔○鳳○泊○鸞○飄○任○去○畱○宦○跡○遊○蹤○圓○一○夢○詩○才○盡○
筆○各○千○秋○官○場○傀儡○同○兒○戲○塞○上○風○煙○動○客○愁○君從塞外膽○有○豪○
情○今○未○減○酒○闌○含○笑○看○吳○鉤○

京○華○九○陌○輾○紅○塵○卻○作○逍○遙○世○外○身○笑○我○真○同○樓○厦○燕○與○君○都○
是○挂○冠○人○蘭○言○贈○命○成○新○契○萍○水○遭○逢○亦○舊○因○儻○得○香○山○鄰○共○
卜○兩○家○分○占○綠○楊○春○

崇效寺看牡丹

長安城中花事新花時多少看花人姚黃魏紫矜標格天香國
色嬌陽春傾城士女紛絡繹金韉玉勒罪香塵詩人墨客工題
詠豪華競進羅庖珍花情人意屬杯酒頽然醉卧藉芳茵城隅
西偏崇效寺梵宮幽僻少人至逢春都爲賞花來游人更比蝶
蜂恣春○雨○春○風○取○次○過○競○言○此○地○爭○春○多○祝○花○好○化○恒○春○樹○留○
春○不○住○如○春○何○朝○朝○暮○暮○韶○光○老○狼○籍○殘○紅○不○可○埽○門○前○冷○落○
車○馬○稀○用香門內離○離○生○蔓○草○吁○嗟○乎○牡○丹○花○開○富○貴○圖○牡○丹○
花○謝○只○須○與○伊○誰○過○問○松○與○竹○青○青○終○古○無○榮○枯○

玩古鏡

古鏡持來意若何。
嫋嫋青綠不須磨。
磨時恐使清光現。
照見新霜兩鬢多。

題畫

老屋傍疏林。
翛然塵外境。
古徑少人蹤。
嵐浮空翠影。

音節之古直入

唐人室奧 王度

重陽擬登盤山先期出都有作

重陽風雨近。此日忽霽晴。
天公破常例。知我欲山行。
凌晨秣我馬。款段出都城。
乘興不知遠。矧茲二日程。
秋色何處來。蒼然滿

林垌霜華工渲染不待關與荆一村一圖畫卷看晚靄橫畫中
有詩意得句還自賡試問熱中客誰解此幽情

城居苦囂塵出郭頓清曠健翮脫樊籠野性遂疏放况爲尋名

山未至神先王山意如迎客參差開屏障行行入煙蘿步步拜

嘉貺九日顧祠中高會情歡暢在顧祠雅集酒筵紛羅列詩句

迭酬唱插萸少一人青山獨相向落帽層巒振衣千仞上星

辰高可捫燕冀俯在望縱目更舒懷如文空理障歸日語同人

茲遊何多讓古色古香 丕度

三河道中

西跨征鞍郭外遊。吟鞭遙指暮雲稠。垂楊蕭瑟棲鴉影。未入深山已覺秋。

至盤山石佛莊訪季雲宗兄留贈

相逢如夢轉疑猜。攜手登堂笑口開。十載離懷重快晤。茲行不爲看山來。

招尋一路入煙霞。訪到三盤隱士家。正是重陽好時節。清樽離畔醉黃花。

歸來盤谷幾春秋。宦海收帆已倦游。心與在山雲共嬾。高人高卧此高樓。

錦囊牙軸富荆關。妙墨收藏只等閒。排闥青山看不了。翻從畫裏看青山。

初八日夜雨恐阻遊興。凌晨開霽喜而有作。

宵來雨驟間風狂。朝霽欣看透旭光。今日勝遊天假我。三盤頂上過重陽。

九日登盤山

九日登高興未闌。霜華滿地不知寒。青鞋布襪尋僧去。紅樹秋山當壑看。澗壑泉流迴處合。薊門關塞望中寬。猶嫌下界塵寰近。更上危巖第一盤。

詩中有畫可作畫讀 丕度

登盤山絕頂桂月峯小憩雲罩寺

亂石縱橫路不分，千盤轉上走螺紋。
峯高疑挂中天月，松老猶藏太古雲。
畿輔拱朝龍氣壯，晴空嘹唳雁聲聞。
登臨憑眺情何限，回首西山日易曛。

詠盤山古松

盤山盤谷多古松，一株垂蔭一畝宮。
風霜飽歷不知歲，之而鱗甲疑蛟龍。
蜿蜒游行走雷電，天矯作勢騰虛空。
欲化未化若有待，回翔盤折難爲容。
山靈攀留飛不去，鬱怒變作波濤春。
登高我值重九日，滿林黃葉參丹楓。
蒼官合與翠竹伴，黛色不改經

霜濃華廟何殊。留漢柏。岱麓卻笑。污秦封。巖阿偃蹇無人問。謾
謾大壑吟長風。會當采藥支丹竈。招邀鸛鶴來仙蹤。

消寒八詠

近見乾嘉年諸前輩消寒倡和詩畫卷就中詠物詩有
風門等題目凡七因併和之又益以手鑪共成八詠。卽
鄆學步耶東施效顰耶殊自笑也

風門

湘簾纔撤換疏櫺。闔闔隨時不暫停。穿戶預防風料峭。當窗也
映日瓏玲。何曾啟閉司金鑰。轉笑豪華列錦屏。詩客酒人晨夕

到無煩剝啄叩門肩

蘆簾

寒威詎任透簾櫳裁取柔氈製最工波縠纔收湘竹碧瑤璫分
借舞筵紅書帷共爾三冬下羈幕知他一例同轉盼春風珠箔
捲飛來雙燕畫堂中

熱炕

渾如牀榻也鋪茵抱火何妨更厝薪喚作陽臺應有夢看來淨
土本無塵冬烘好任先生誚氣煖疑回大地春終日盤桓終夕
卧此中豈少熱中人

手鑪

何須寶鼎熬香沈，煨炭銅鑪火候深。
凍墨好從烘硯解，新詩卻向撥灰尋。
摩挲煖透橫經案，熨貼春回似鐵衾。
一樣教人炙手熱，笑他豪勢轉難禁。

煨硯

冰花乍結硯池清，巧製翻新煖具盛。
一律火攻堅壘破，三春凍解大田耕。
頻看試墨流膏潤，不待烘窗映日晴。
好向微凹濡彩筆，雲煙揮灑任縱橫。

火鍋

冬厨肴饌具羹湯水火交資器最良調燮功能兼飽煖中邊世
態判炎涼團團錯認車輪轉芬苾何殊鼎鍊嘗幾處團鑪當雪
夜淺斟美酒獻羔羊

冰牀

凍結長河一帶斜板牀牽引水之涯宜眠莫當陳蕃榻小坐何
殊衛玠車平穩疑浮雲外棹空明恍泛月中槎如飛更有冰鞋
利一任諸君捷足誇

花窖

何勞問訊嶺頭梅花事關心入窖培紅豔翻從雪裏看青陽原

石身書屋言金
自地中回人間別有繁華界宇下深藏錦繡堆寄語東皇應護
惜還教黍谷送春來

唐花

北地朔風吹栗烈不見飛花見飛雪誰信人工奪化工唐花烘
出殘冬月蠟梅低亞紅梅枝海棠的皪兼垂絲玉蘭芬馥辛夷
笑牡丹富貴傾城姿更有千紅與萬紫芳菲詎讓三春時長安
市上斜街前鈿車寶馬來喧闐鎮日買花如買笑紛紛拋擲青
蚨錢紅爐煖閣花瓷盎位置金屋藏嬌妍誰知別有看花客對
花無語翻長歎歎人豔說花開早花開花謝殊草草不隨桃李

東風未到茶蘼花已了。嬌揉物性失天真。繁華能得幾時好。
物待栽培人待時。助長何須誇智巧。

托興遙深

瑞駿

春日爲看花之約。潘紱庭閣讀曾綬先期賦詩索和卽步

元韻

老去容疏嬾春深未有詩。已逢修禊日。又值看花時。折柬伸前
約。尋芳訂後期。輸君先摘豔。好句慰相思。

種竹

移來篋谷翠千竿。滿地清陰生夏寒。曲徑乍延風宛轉。幽窗好
映月檀欒。虛心與我同心契。直節應教折節難。更與主人添喜

兆朝朝消息報平安

晚芳畫蘭予爲補寫竹石並題

香痕寫入墨痕深誰把幽盟石畔尋
幸得此君堪作伴虛心好與結同心

題吳冰仙女史畫二首

蛺蝶窠花

小院深沈鎖碧苔
野花零亂爲誰開
似憐幽豔無人賞
蛺蝶一雙飛去來

羣仙共祝

凌波仙子襪無塵玉珮明璫浴水濱爲起瑤池王母宴也隨羣
豔祝長春

溫味秋太史忠翰屬題筠素女史繡蝶遺冊

繡出踰塵蝶影單可憐金粉共飄殘浮生若夢都成幻栩栩似
蹤一例看

韶華零亂不成春留得香痕證舊因一片落花芳草地憑闌惆
悵惜花人

贈朝鮮樞使李藕船尙迪並題其小照

吾家太白知何在仙客忽逢東海東老境更教詩律細豪情肯

石泉書屋詩集
放酒樽空、名山著作、從今定大壑、波瀾助勢雄、浩蕩襟懷風雅趣、一齊收入畫圖中

題畫

小結茅廬一兩間、沿溪鎮日聽潺湲、幽人詎似泉流去、只伴烟霞不出山

檢書有感

嗜好酸醎與世殊、怡情檢點五車書、聽他眾口呼牛馬、悟我前身是蠹魚、歲月消磨開卷後、兒童况味上鐙初、閒窗依舊三餘課、只愧霜華兩鬢疏

閒居

閒居之樂樂如何人海叢中隱薜蘿陋室渾疑巢燕幕輕衫襪
當釣魚蓑壁懸圖畫供題詠座繞琴書足嘯歌十丈輭紅飛不
到始知塵世有巖阿

韓齋雅集賦贈朝鮮樞使李藕船分韻得謂字

春○寒○料○峭○重○關○閉○幽○廬○瑟○縮○如○匏○繫○縱○然○竹○葉○倒○劉○伶○詎○有○梅○
花○採○鄧○尉○韓○齋○主○人○折○柬○招○文○星○類○聚○成○嘉○會○羣○仙○繞○坐○話○團○
圓○瀛○洲○海○客○獨○後○至○入○座○狂○呼○大○白○浮○一○斗○一○石○不○知○醉○詩○卷○
攜○來○東○海○東○毫○端○信○有○凌○雲○氣○酒○國○寄○興○秋○懷○深○書○城○坐○擁○夕○

陽墜

藕船有大開酒戶迎秋氣
高擁書城送夕陽之句

大書警句問青天吾家太白音

堪嗣放眼頓覺天地寬訂交相賞風塵外纔欣把袂又分襟盛
筵難再此之謂從今海角與天涯一室千里同臭味蓬萊東望
水雲空絨情更倩魚書寄

孔峻峯先生瓢城送別圖繡山中翰屬題

瓢城一卷贈行詩想見琴轅卧轍時故事應登循吏傳新圖權
當去思碑淵明栗里容高尚召伯棠陰說愛遺清白家風堪裕
後才名更起鳳凰池

題李藕船春明話雨圖卽以贈別

一幅圖成更詠詩
海天雲水寄遐思
春明舊雨兼新雨
記取西窗翦燭時

一曲驪歌酒易曛
天涯從此悵離羣
牽情更怨長隄柳
迎得君來又送君

題馮林一同年桂芬鄧尉山廬著書圖

鄧尉山廬託芳趾
俯仰枕莊惟經史
百城坐擁擷英華
著作定費洛陽紙
羨君早歲掇青紫
杏苑曾充探花使
匡時偉抱非凡才
經濟文章堪並美
無雙國士知誰知
苦心濟世反招毀
臣心白水久同盟
一任明珠謗薏苡
天空海濶自翔翺
世間毀譽浮

雲耳分襟判襪幾經年春明重晤輒紅裏結歡方幸朋盍簪
鱸又報秋風起秋風門外送征驂臨別贈言烏可已勸君努力
好加餐丹鉛莫負白駒駛立言不朽足千秋名山事業從今始

重晤何子貞喜贈

緩翁重晤鬢毛皤談藝論心取次過豪興依然同北海才名未
肯讓東坡狂歌放膽花應笑酣醉揮毫墨有波更喜兩人同解
組寬閒歲月共婆娑

六藝芳華盡擅長羣才只合拜門牆經師衣鉢傳齊魯時主樂
源講席
書法源流溯漢唐水墨淋漓參畫妙光陰愛惜爲詩忙我因無

佛稱尊慣卻遇先生不敢狂。

陶然亭遠眺

迴立孤亭不結鄰。登臨覽勝隔紅塵。壁間詩句留題客郭外山。
光入座。賓楊柳春風。誰繫馬。蒹葭秋水正懷人。憑高徙倚雕欄。
望萬戶祥烟護。

紫宸

寫景最肖神韻亦長 駁注

旅夜

村酒沾來不易醺。一鐙如豆夜平分。西風更與添愁緒。送得歌。
聲隔院聞。

歸里口占

茅舍三年別蓬門一徑開
渾如尋壘燕仍向故巢來

滄州雪後早發

茅店催程早寒威雪後添
當頭殘月墮撲面曉風尖
遠道思乘驢圍車似裹蠶
濁醪須痛飲望斷隔村帘

題王覺斯墨蘭卷

花葉離披密更疏
天真爛漫有誰如
亂頭粗服君休笑
此是張顛醉後書

書小倉山房集後

空諸依傍自成家未必無名豈漫誇

集有未必全無萬頃波瀾後世名之句

真○有○筆○一○生○情○好○不○離○花○官○輕○詎○信○塵○能○網○詩○好○何○妨○玉○點○瑕○

爲語蚍蜉休撼樹伊誰曾具此才華

五十六字包括子才一生不度

讀書

恍助游山興誰知畫幀懸幾家真翰墨四壁古雲煙派別評高下標題辨後先珍藏留世守權當一經傳

感懷

哀○樂○中○年○感○慨○多○况○兼○雙○鬢○已○全○皤○九○州○朋○輩○常○懷○雨○半○世○功○
名○等○逝○波○賈○誼○匡○時○應○獻○策○王○耶○祈○地○且○狂○歌○伊○誰○抱○負○澄○清○

志滿目烽煙嘆奈何

感慨襟懷不減老杜 五度

傷懷

西下夕陽東去波傷懷感逝意如何卅年琴瑟宮絃絕往事回
頭春夢婆

仙去難尋化蝶蹤璇閨空憶舊音容如何幾寸桐棺薄便隔雲
山千萬重

綺窗重把鏡奩開惆悵魂兮不再來一慟九泉真永訣淚珠空
灑舊妝臺

故園重到倍傷神空負韶光又令辰依舊窗前桃李樹不知今

日爲誰春

庭階寂寞獨徘徊。繡戶塵封不忍開。正是傷情無著處。一雙新燕卻飛來。

往事如煙夢不真。幾番回憶倍傷神。深閨依舊青燈夜。只少燈

前夜話人

淒然欲絕 瑞駿

珍珠簾外月華明。晚芳曾記閨中好句。廣今夜月明。人不見。一
回吟罷一傷情。

難尋碧海與青天。夜坐更深思悄然。欲把癡心託明月。可憐缺
後不重圓。

飄然撒手一身輕、情到深時轉絕情、不信因緣今果了、猶將癡願結來生。

題畹芳畫蘭遺墨

深閨扶病寫芳蘭、遺墨零星不忍看、羨煞幽香空谷裏、兩叢相傍永團圓。

畫稿翻從敗簾尋、一花一葉抵兼金、早知遺墨流傳少、悔不當時愛護深。

省墓恭紀

永眠長夜憶雙親、丙舍重來淚滿巾、馬鬣斧封崇四尺、鶯飛草

長又三春豐碑漸蝕莓苔暗薄祭徒勞酒醴陳願得他年隨地
下鬢昏仍作問安人

春歸

春歸渾擬送人行坐對殘紅別緒繁一
樣癡情較深淺賞花爭
抵惜花情

石泉書屋詩鈔卷五

利津李佐賢竹朋

古厯亭讌集感懷

厯亭離別幾經年，鴻爪重來話舊緣。
湖影輕搖絢扇底，山光遙落酒樽前。
茫茫大地連烽火，隱隱官城沸管絃。
愁緒萬千姑放卻，且拌沈醉水雲邊。

明湖納涼遇雨

驕陽灼爍騰金烏，萬類鬱鬱歸洪爐。
流汗浹背剝及膚，招涼何處游明湖。
湖邊頓起雲模糊，須臾水墨一紙鋪。
清風獵獵生菰

蒲狂飈掀折紅芙蓉蘆荻盡亞誰能扶長空
奔雷車雷聲忽送雨聲粗銀河倒捲瀉無餘
湖心萬億拋明珠雉堞隱現畫不如千佛山
光看有無迎流吹沫波跳魚問魚亦知人樂
乎快哉片刻炎歊祛爽透羅袂涼侵裾雲停
雨歇日已晡小艇打槳尋歸途流泉瀾瀾鳴
溝渠蹇涉不顧衣履濡挑鐙疾作遇雨圖吟
詩有句懷大蘇清景一失後難摹

用東坡句

五十四初度

彈指年逾五十三頭顱自顧詎無慚游蹤飄
泊離羣雁愁緒牽縈作繭蠶世事橘中仙對
局心情蓮座佛同龕惟憐未滌塵根

淨又爲尋芳到濟南

題茅菰塍明湖泛月圖

明湖一片空明境風露三更月千頃桂魄團圓香氣濃蓮花綽
約明妝靚拍浮疑作廣寒遊蘭橈盪破玻璃影詩情浩蕩酒懷
寬圖書風光入孤艇疇曩應試賢良科扁舟載月中秋過

戊子秋試

後曾泛湖作

青衫一領託烟波靈藥直欲乞嫦娥明星耿耿轉

銀河扣舷乘興猶高歌卅年舊事春夢婆而今贏得雙鬢皤題
若此畫三歎息及時不樂當如何

聲情逼肖元遺山傳得傳
得不度

仲衡宗兄同年鈞和贈余新詞賦此奉酬

戊子紀歲聽鹿鳴北榜東榜齊標名三十餘年一夢耳同譜落
落如晨星講幄而今開歷下吾宗何幸識仲衡對面驚看頭盡
白一笑相逢眼獨青投我雲牋金縷曲珠璣錯落珊瑚撐評書
讀畫精鑒古更同嗜好同性情君視浮名如敝屣我亦懸車歸
梓里天壤肯放兩人閒無獨有耦差堪喜千佛山前洞壑幽鵲
華橋畔木蘭舟春秋佳日登臨好青鞋布襪從君游不然枕經
兼蒔史騷壇讓君執牛耳左屬鞭弭右囊韃與君周旋自茲始
莫憾君無師曠聰君耳重聽世運浩劫猶未終有聞煩惱填胸臆無
聞萬事付太空巢父洗耳殊多事如來棒喝亦無功爲君解嘲

爲君幸鄭昭何如宋之龔

明湖卽目

蘋未涼颿動蓮房冷露稠一聲新雁起頓覺滿湖秋

節短韻長度

鄰境屢聞警報感懷

愁雲黯澹羽書過太息鄰疆不止戈死戰驚傳新鬼大生全猶幸故人多賊過處多未入城無邊烽火連齊魯何處田園隱薜蘿轉羨

河干鷗鷺綠楊陰裏泛輕波

自嘲

早辭簪笏事歸耕俗願差堪了向平入世風懷都澹漠論人月

且愧分明聖賢仙佛俱無分經濟文章詎有名自顧頭顱還自
笑似茲真合號虛生

贈宋偉度明經祖駿卽題其詩集

前代梅花溯廣平而今儒雅最知名西崑才調無凡豔南國風
騷有正聲放眼君應空一世盟心我亦契三生鵲華橋畔同攜
手從此論交懷抱傾

集成燕筑更齊竽

君詩有燕筑齊竽諸集

絕豔驚才近代無比例劉蕡同

下第佯狂阮籍又窮途騰來駿馬難歸櫪泣到鯨人盡化珠不
信文章憎命達問天搔首幾踟躕

端午與邵汴生侍讀亨豫重遊明湖縱談書懷

萱花榴火映階除對此情懷嬾更疏佳節每逢如嚼蠟舊游重
訪似溫書良朋會合三生契世運艱危百戰餘共向青天搔首
問一回涕淚一欷歔

九日登千佛山

千佛山頭作重九醉人不借黃花酒淺絳石屏蒼翠巒殷紅楓
相深黃柳秋光嵐氣共澄鮮如披橫看卷在手雲梯飄渺猿猱
升千級直上莫回首禪關矗起欲凌霄虛寮北嚮皆朝斗官城
士女紛如雲環珮衣香處處聞登堂拜佛佛無語篆煙人氣同

氣盈我來峯頭日卓午乘興登高兼訪古摩挲石刻認開皇八
年造象月紀五隸體追蹤兩漢碑苔斑猶蝕六朝土古洞陰森
不可攀恐觸蛟龍作風雨眺遠何處朋侶招孤亭高踞林木梢
城郭俯瞰明湖小千頃方罫平疇遙茫茫大地煙成海鵲華兩
點浮金焦丹青未易傳此景松雪圖後誰能描盤山龍山重樓
指勝遊詎自今朝始昔登盤山九龍山皆以九日豪情更擬五嶽遊未許此
番歎觀止歸來題句當訂盟他年記取言在耳

冬夜

蕭齋兀坐夜清幽漏靜更長報幾籌送煖情深惜柏炭畏寒重

著鵲鵲裘鎧花結暈疑添喜樽酒微醺慣解愁萬里遊蹤卅年
夢一時觸緒到心頭

除夕

殘冬赴壑蛇留住誰能果餞歲枉多情守歲計亦左回憶春徂
秋世運逢坎坷泰岱薄滄溟到處連烽火驚鳥無定棲哀鴻嗷
遍野身世入網羅難解愁眉鎖何期告生存今夕猶故我少長
聚家人依舊團圍坐肴饌雜椒盤屠蘇傾玉斝未飲已陶然不
樂胡爲者明知老將至時去何能捨但免溝壑填邀天幸已頗
得句自高吟聊復襟懷寫

重到濟南書院書事

講社舊遊地一別忽經年重來春已暮花下解征鞍渾似堂前
燕又逐春風還到啄啟門局蒼苔一徑穿蠨蛸猶在戶蛛網綺
疏懸呼童爲灑埽十斛俗塵蠲延風敞北牖疊石對南山置几
供吟誦移榻備高眠經營殊草草生計足青氍食飽晝無事緩
步庭除前海棠花已謝棠棣花猶妍古槐蔭屋角新筍出牆顛
拂蘚坐磐石掬水弄清漣幽禽如識我睨睨好音傳游魚如識
我撥刺出潛淵忘機相與適物各暢其天去歲中秋日三五月
初圓軍書風鶴警城郭隱烽煙寇至何驚擾寇退復安安全人事

留足恃或邀蒼穹憐此後皆天幸何弗隨遇安神遊偕莊叟更
讀逍遙篇 願近淵明 丕度

題畫

結舍清溪西復西萬竿修竹與檐齊午窗睡起渾無事一徑濃
陰鳥侃嘯 淡永耐人尋味 丕度

王子梅大令鴻屬題春明六客圖

圖中孔繡山中翰朝鮮李藕船樞使及繪圖之吳冠英
儔皆余舊雨也披覽再四不禁離羣之感因題拙句以
當懷人之什不覺其言之長也

蒼松謾謾清風生怪石古木紛交橫六客列坐如列宿五星聯
貫間客星瑯琊詩人逢歷下鵲華橋畔尋鷗盟裏出圖卷索題
句振觸舊夢游春明風流跌宕孔文舉詩壇酒社招賓朋韓齋
雅集互酬唱投李時報玖與瓊瀛洲海客乘槎到燕臺會合蹤
如萍天涯海角聯臭味相求同氣應同聲六客訂交得其半翰
墨結契緣匪輕作畫者誰吳道子談藝亦復襟懷傾詩囊畫卷
送賓主秋月春花倒醺醺別後琴樽頓消歇而今湖海各飄零
鱗鴻迢遞音書斷屋梁落月離緒縈明湖蒹葭隔秋水伊人涸
溯空復情詎意披圖如把袂傳神畢現鬚眉清北望燕雲東望

海何年風雨重挑燈。

王子梅大令屬題尊甫海門年丈詩文集

瑤編相賞孰知音雅韻如聽單父琴想見公餘春晝永落花庭院自清吟。

肯堂賢嗣讀遺書檢點丹鉛校魯魚存得一編如治譜文章經濟此中儲

王海門年丈撫松圖子梅屬題

兩裊清風現宰官蒼松陰裏獨盤桓此枝不共仙臆化留當甘棠一例看

王子梅見示詩稿並有贈句和韻奉酬

一笑逢青眼開編麗句新盟心同好古著手自成春珠玉詩篇
富江湖宦跡貧訂交休恨晚此會亦前因

明湖權歌

古○愿○亭○邊○載○酒○行○鐵○公○祠○畔○踏○歌○聲○尋○常○一○樣○垂○楊○柳○栽○向○明○
湖○便○有○情○

湖○上○重○來○感○不○禁○當○年○小○住○託○禪○林○依○稀○舊○夢○渾○難○記○一○片○烟○

波○何○處○尋○昔○年○應○試○會○

龍興寺

此○間○暑○氣○到○應○難○夏○午○登○臨○怯○爽○單○北○極○樓○頭○天○尺○五○果○然○富○

處不勝寒

華峯天半綠嵯峨、煙縠輕籠雨乍過、彷彿玉環新浴罷、鬢髮高、
擁一堆螺。

濃綠陰中盪畫橈、鵲華橋畔最魂銷、漁洋去後騷壇冷、孤負明、
湖、舊柳條。

湖光一片賦於羅、畫鷁輕搖不漾波、菰蔣爲牆蘆作界、箇中圍、
住藕花多。

綠波楊柳浸樓臺、滉漾玻璃鏡面開、一陣香風聞笑語、藕花深、
處畫船來。

蘭槳雙雙勝畫輪
美人名字往來頻
惟嫌一道荻蒲影
遮住游船望不真

烟波湖上木蘭船
來往萍蹤一道穿
送得遊人尋勝去
停桡都在綠楊邊

湖上芙蓉萬柄開
歌衫舞扇共徘徊
誰知竹杖芒鞋客
也爲尋詩取次來

蘭槳輕搖日暮天
綠陰深處聽鳴蟬
先生乘興渾忘遠
緩步逍遙不上船

短笠輕衫泛野航
湖邊一味送新涼
伊人洞溯知何處
白露蒼

設其渺茫

讀書

早歲厭讀書開編立牆面中歲知讀書世事紛交戰晚歲嗜讀書得味思屬屢所憾精力衰奢望不遂願譬如對珍羞齒病難下嚥得此慮失彼掛一或漏萬環座擁百城望洋自空眩廢書三歎息欲捨有餘戀在昔衛武公既耄學不倦况我未周甲努力當自勸餘勇猶可買但視身常健積少可成多材休嗤襍線尺寸果心得境界及時變望道縱高堅詎終不可見苦心嘗不負書此爲左券往者不可追來者猶可諫求魚鰈結網莫漫臨

不身書目音金

意華詞酷書之可作座右銘必得之作也

度

題王蓬心畫瀟湘圖上有王夢樓詩句

珍藏什襲比琳瑯妙翰從來屬二主一首新詩一幅畫教人清
夢落瀟湘

觀劇

優孟何需辨假真空中色相夢中身誰知演劇同觀劇都是登
場傀儡人

新春試筆

春從何處到習習風微和晴窗硯冰釋試筆墨新磨往歲新正

月雪積山嵯峨今朝青陽轉生意滿庭柯
盆盎舒梅萼階砌生綠莎不知海隅陋
翻覺韶華多海內方鼎沸滿目紛干戈
何期彈丸地幸免入網羅時和兼歲稔
後舞復前歌及時亟行樂撫序肯蹉跎
老去興不淺渾忘雙鬢皤嬉游偕童冠
更看鄉人儺

春日大雪

採芳已近花朝節一夜朔風吹栗烈
不知院宇散瓊瑤但覺布衾冷如鐵
開門睡起眊庭柯亂綴繁花壓欲折
紛紛柳絮竟狂顛漠漠梨雲詎分別
似嫌花事太延遲六出飛花霏玉屑
或云造物厭繁華故將玉戲闌清絕
不然桃李盼芳妍東皇何事弄

奇譎潤澤先慰老農心猜疑一任詩人說小園花事漫追尋且
鬪尖叉寒詠雪

李烈婦

同治紀元二年春歲癸亥月丙辰婺星光墮濟水濱李氏子孚
先名利津籍一書生玉樓遽赴修文詔烈婦志比金石貞上無
菽水可承歡下無繞砌芝與蘭感歎寡鵠悲離鸞徬徨中夜摧
腸肝成仁志決須臾耳熟計偷生不如死雉經梁上自投環願
從地下隨夫子噫嘻乎志士多烈士少貞烈誰知屬窮窶信有
疾風漂動草婦伊誰氏屬張與李子生同鄉官吏入告請旌揚

天章褒寵間里光我屬舊史職文章書爾姓氏千秋芳

遣懷

堂堂春去惜年華感歎勞生未有涯愛畫何妨如好色編詩敢
詡已名家頻栽碧玉淇園竹學種青門邵圃瓜贏得身心無箇
事駐顏應不借丹沙

胸懷淡似伯牙琴非遇鍾期孰賞音涉世難消名士氣讀書直
見古人心公然無累辭官早未免偷閒得趣深若向千秋論事
業誰言鐘鼎勝山林

浮生若夢醒南柯肯把簪纓換笠蓑宇宙風雲同變幻林泉歲

月儘婆娑虛懷無忤論交易儼倖成名自古多校短量長都放
卻及時行樂莫蹉跎

名論從知物我齊繁華閱盡合幽棲百年人事同雞肋萬里遊
蹤憶馬蹏白石青松尋伴侶黃塵碧落判雲泥蓬萊員嶠方壺
畔應記來時路不迷

顧祠聽雨圖王子梅大令屬題

曩在都門每歲與顧祠雅會今別來屢更歲琯矣披圖
振觸前游不勝今昔之感

雨勢噴薄雲模糊淋漓水墨一紙鋪詩情畫意兩奇絕寫來併

作○聖○雨○圖○顧○祠○近○依○慈○仁○寺○亭○林○先○生○芳○躅○寄○春○秋○俎○豆○報○馨○
香○我○亦○屢○交○堂○戶○事○一○番○雅○會○一○題○名○曾○記○塗○鴉○留○姓○字○餘○事○
文○謙○聚○賓○朋○雄○辯○高○談○各○樹○幟○縱○橫○上○下○三○千○年○豈○徒○博○物○誇○
多○識○舊○遊○一○夢○幾○經○秋○邛○邪○詩○人○圖○畫○留○披○圖○鄭○重○回○環○讀○萬○
感○觸○緒○紛○交○投○聞○道○年○時○亂○兵○擾○令○落○祠○堂○餘○蔓○草○雙○松○依○舊○
蔭○階○除○未○識○何○人○薦○蘋○藻○文○舉○石○林○俱○痛○傷○孔繡山閣讀
葉澗臣觀察何堪
笛○韻○聽○山○陽○壽○陽○愁○遺○老○相○國○祁春歸○然○魯○殿○存○靈○光○鬱○鬱○
幽○懷○向○誰○託○舊○雨○今○雨○都○離○索○舉○頭○目○近○長○安○遠○奮○飛○難○跨○雲○
中○鶴○吁○嗟○乎○明○湖○秋○水○清○復○轉○轉○中隨○鷺○盟○今○夕○與○君○重○

聽雨一樽曾酒話春明
况有烽煙連海內何時
交譙樂昇平蒼茫身世
一俯仰古抱今懷何恨情

秋霖不止王子梅以詩見示用陶詩連雨獨飲韻卽依原

韻奉和

我雖不善飲得趣亦陶然
秋霖無客到獨坐幽且閒
拋書暫假寐一夢小游仙
倥傯欣把袂聯步大羅天
蠶來蕙書到得句讓君先
似與陶彭澤晨夕相往還
今人非古人同此樂餘年
君唱我復和得意共忘言

苦雨新晴湖邊散步

秋霖苦不止城郭溼炊煙濃雲垂大幕包裹鵲華山清風何處
來吹出蔚藍天餘霞燦成綺返照明且鮮階前新漲活琴筑鳴
清泉幽花間修竹新沐各爭妍先生乘幽興曳杖明湖邊水亭
飛白鷺高柳鳴新蟬聞香初過雨萬柄開白蓮看花人小立清
景相流連此中有佳句付與何人傳遊罷歸來緩鼻竇已蒼然

鮑子年中翰康寄示觀魚詩卽和元韻

原作有不羨游者翔御羨藏者深之句特反其意以答
之

大壑縱魚躍載浮亦載沈浮者固非淺沈者亦非深化機相與

石東書屋詩集
適潛見豈容心寄語濠梁客妙理試推尋

節短韻長名言精
理必傳之作度

白龍洞至佛峪記遊三首

歷下名山多東南山更好數載已神游嚮往輒傾倒今歲靖烽

烟謝絕塵氛擾同志楊子雲

楊坦夫茂才同游

結伴事幽討策蹇出郭

門曦光破清曉節候近重陽卻無風雨攪秋色正清華樵徑尋

竚窅嵐光撲面來空翠浮飄渺入山猶未深脫我已不少

行行過山椒磴礪不容足泉水出山清琤琤嗽鳴玉渡澗更通

幽山多不厭複陡起三峰高渾疑巫峽束畫本寫倪黃淺絳間

濃綠石塔戴崔嵬龍祠枕山麓古木圍蕭森巖菊綴芬馥錦屏

曉宜春

祠前開障名
錦屏春曉

秋光偏娛目依舊在塵寰頓覺氣清淑小

憩尋巖洞

一徑繚而曲山僧導我前白雲卻乘燭非關入公門

到此躬已鞠笑止羊在藩轉身防抵觸靈境頓豁塵聳立志跡

跼回望迷洞口已入山之腹圓竅石鎖懸崇隆覆夏屋邃古穴

居時何人此寄躅仰瞻不可極聞聲飛蝙蝠別竇窺陰森恐有

蟄虺虵出洞攝巖腰蒼然豁遠矚攀蘿下石磴緣蟻相追逐聞

道五龍潭更歷幾崖谷遊興未闌珊足疲憚往復落照已銜山

姑就僧寮宿

晨起續清遊佛峪五里許來路記三叉地僻無行旅石徑倍嶮

寄○提○攜○呼○伴○侶○峭○壁○立○千○尋○紅○葉○明○朝○旭○高○下○雜○丹○黃○都○將○罅○
隙○補○憶○昨○龍○洞○遊○霜○楓○聚○三○五○輸○此○萬○樹○紅○彌○望○不○可○數○縱○倩○
荆○與○關○粉○本○難○摹○撫○更○喜○縣○厓○上○托○根○無○寸○土○終○古○斷○樵○蹤○誰○
能○縱○尋○斧○隱○隱○吹○大○聲○林○幽○藏○寺○古○雲○梯○快○共○登○歷○階○更○接○武○
危○厂○撐○虛○空○巖○坳○託○梵○宇○巧○借○石○作○天○何○勞○費○砥○柱○佛○像○劇○莊○
嚴○跌○坐○無○一○語○對○面○做○虛○廊○羣○峰○盡○當○戶○靜○境○忘○朝○昏○雲○烟○自○
吞○吐○西○接○香○積○厨○泉○清○茗○可○煮○東○臨○釣○臺○高○登○臺○餘○勇○賈○何○處○
殷○雷○車○飛○瀑○如○飛○雨○深○淵○激○清○湍○未○許○釣○魴○鱖○舉○首○近○青○天○下○
瞰○衆○山○俯○攬○勝○宿○願○償○渾○忘○登○頓○苦○歸○去○憶○遊○蹤○夢○繞○白○雲○隴○

情真韻古得是作可爲山靈生色令人欲打碎黃鶴樓矣 丕
度

贈陳姬儷琴

姬名繼書京華女也予向無妾媵今老矣始作枯楊之
穉而姬有終焉志不願效楊枝之放也故有是贈

老去惟餘翰墨親隨緣尙未出紅塵風情已逐年華減願爾來
爲問字人

笑他梁燕去來飛鸚鵡依人意莫嫌甘與樂天相伴老不隨樊
素送春歸

酷肖白香山

駿注

九日重登千佛山和鮑桐舟大令瑞駿登北極臺韻

往歲登高處，重巒疊嶂開。伊誰重蠟屐，尋勝共銜杯。秋色不知遠，游蹤依舊來。詩人饒逸興，相望在層臺。

題王子梅得印圖

子梅舊名鴻，得一古印，文曰王鴻私印，名姓相符，喜作是圖。

王郎得印喜成圖，姓字千秋竟合符。一樣鴻名稱不朽，故吾應識印今吾。

季秋將出，歷下歸里，鮑桐舟官子行本，昂兩大令方小東刺史，朔崇惟度，開經餞余於筆華書屋，桐舟兼有贈句。

卽和元韻

結綠文字萃名流。話別筵開正九秋。
燒燭看花兼對酒。臨谿得月不須樓。
座中吏隱皆同調。畫裏雲烟感舊遊。
老去詩情仍未減。耽吟渾忘雪盈頭。

題王秋垞二尹蒼茫獨立圖

蒼○茫○獨○立○出○塵○表○高○瞻○遠○矚○乾○坤○小○舉○頭○天○外○氣○昂○藏○浩○浩○落○
落○詩○酒○狂○斯○人○斯○境○兩○奇○絕○惟○伴○清○風○與○明○月○高○歌○一○曲○知○誰○
聽○天○容○澹○沲○山○光○青○還○君○圖○畫○爲○君○語○並○世○何○人○堪○伴○侶○俯○仰○
無○窮○自○千○古○

從歷下買舟旋里記事

檢點琴書幾度看年光遊興共闌珊
歸程底事偏濡滯應戀明湖別去難

鄉心無限逐東流古歷亭邊已倦遊
一葉舟輕雙槳駛看山未免又回頭

隄防金潰亂流通瓠子聞歌尙未終
寄語當時賢牧令東方澤畔有哀鴻

重陽過後景全非客路蕭蕭葉正飛
留住秋光猶未老惜花載得滿船歸

沈河舟中

西風料峭送歸舟。一葉輕帆任拍浮。碧落空中時唳雁。黃流深處想潛虬。瀾漫水勢來千里。荏苒霜華又九秋。經濟自慚輸賈。讓治河三策有誰籌。

從厯下返家園作

游徧鵲華今又歸。重開三徑歛柴扉。經霜草木初黃落。疊石峯巒亦翠微。更向樵漁尋伴侶。何須衣馬羨輕肥。埽除塵榻容高卧。夢裏由他蝴蝶飛。

詠雪次東坡尖叉韻

罪罪不是雨絲纖助勢風寒作陣嚴著地渾疑鋪玉砌登盤錯
認薦晶鹽迷漫湖上蘆成被凍折窗前竹壓檐幾度呼童庭院
掃嵯峨聚作小山尖

林端瑟縮認寒鴉門巷泥深少去車謝女清才吟柳絮袁安香
夢到梅花水因評味添茶竈壺欲沽春問酒家惟有灞橋橋畔
客模糊難辨路三叉

讀前賢和尖又韻詩復成二律仍用元韻

詠物何須巧更纖諸家和韻律精嚴也隨詩客同吟雪敢襲陳
言道撒鹽迥選行鴻餘舊印襍稊凍雀墜層檐當前妙景堪裁

句慚愧年來筆退尖

雪箋呵凍笑塗鴉門外何勞問字車漫謂一篇金錯采輸他六
出玉飛花圍鑪撥火消寒夜限韻工詩羨作家敢與溫郎誇
捷吟成不厭手頻叉